

嘯

亭

雜

錄

嘯亭雜錄卷之五

緬甸歸誠本末

緬夷古朱波地自古不通中國宋甯宗時史志始有其名元世祖遣兵三征之責其貢賦而還明初設宣慰司聊以羈縻間亦賞修貢賦而還其事詳正史其時緬地不過數千里附近之提涼猛養猛拱猛密司蠻暮木邦落卓來卡猛迺擁會金坎毋得馬大山宋賽錫箔猛樟猛素孟良整欠整貢諸大土司尚非所有及莽體瑞之子莽應禪漸強威明所設三宣六慰大抵皆服屬於緬 本朝

順治十五年大兵破貴州明主由榔奔緬甸時定西將軍愛星阿
吳三桂等於十八年十一月入緬師至木邦白文選降於茶山康
熙元年緬酋自相篡弑殺明宗室及黔國公沐天波等數百人將
軍等索明主緬人不與師至阿瓦緬人懼遂獻明主師歸緬人遂
不通朝貢其世次亦不可考至雍正九年緬酋與整邁謀兵緬目
蛛古叮在九龍江邊守備燕鳴春有告知國王明年進貢之語郭
文端公以聞得旨宜聽其自然不必有意設法誘致乾隆十一
年開茂隆廠雲南永昌順甯徼外有狝狉其地北接耿馬土司界
西接木邦界南接生狝狉界東接孟艮土司界地方二千餘里其

長曰蜂筑自號葫蘆王不知其所自始有世傳鐵印緬文曰法龍
湫諸木隆華言大小箐之長也所居本城草房戴金葉帽似盛穿
花衣俱跣足夷民山居穴處以布纏頭敝衣短褲刀耕火種軍器
惟刀鏢弓弩又有夷日蜂坎章猛莽恩莽間俱係蜂筑弟兄叔姪
分掌地方亦不屬緬酋管轄馬土司罕世屏代果稱願歸順境內
茂隆廠自前明開採時甚旺廠民吳尚賢等議給山水租銀不敢
受請照內地廠例抽課報稅以作貢物總督張允隨奏言葫蘆乃
化外野夷輸誠內附請將此項廠課飭令減半抽收一半賞給
該酋長以慰遠人之心得 旨先行十三年鎮康土司刀悶鼎報

緬夷願通貢賦不許十四年二月茂隆廠吳尚賢入緬甸先是迤
西道承差賈興儒奉差往茂隆廠訪緝廠犯鄒啟周張寬果等茂
隆廠委吳尚賢於十二月丙戌派帶練兵一百餘人分起前往訪
緝壬辰吳尚賢帶練兵八百餘人賈興儒隨同自廠起身癸卯至
幹猛十五年正月朔日乙巳廠練已擒鄒張二犯至幹猛押解回
廠吳尚賢帶練兵一千二百餘人前赴緬甸時上年緬人所遣土
目五人請進貢者尚在鎮康吳尚賢要令前導丁未自幹猛起程
庚戌至木邦木邦令頭目猛占等八十餘人從之丁巳至錫箔庚
子至宋賽吳尚賢等於所過土司地方皆有餽送遂致書於貴家

貴家者隨明主入緬之官族其子孫淪於緬自署曰貴家據波竜
廠採銀貴家頭目宮裡雁素與緬甸有隙因率兵阻之吳尚賢至
麻里脚洪又遣人致書講和貴家竊其來使吳尚賢遂會緬兵三
千餘人至德順城與貴家數挑戰三月庚戌貴家出迎敵詐敗吳
尚賢前赴之為貴家所敗緬甸復遣人和解之吳尚賢渡麻里脚
洪回廠賈興儒於五月癸丑帶張寬果回大理尚賢意欲邀功因
謀說緬酋莽達拉遣使入貢莽亦荒淫無道衆叛親離遂從其言
具表來降十五年七月葫蘆茂隆廠課長吳尚賢稟稱緬甸國王
莽達拉情願稱臣納貢永作外藩命工匠製造金銀二鈇篆刻表

文又造貼金寶塔裝載黃亭毡緞緬布土物各色馴象八隻入貢
又貢 皇太后馴象二隻毡緞緬布等物差彼國大臣一員頭目
四人象奴夷象數十人出境過江於四月已抵邊界請代奏督撫
令司道會議布政使宮爾勸會按察使糧鹽道東迤西四道議以
前鎮康土州刀悶鼎寨緬酋請通已不許今寨內絕不言及且
明置緬甸宣慰司表內未稱宣慰司衙又有蟻穴自封夜郎天外
之言更不敘明使臣銜名吳尚賢前寨與今寨又復互異至木邦
乃緬甸所轄中外攸分唯木邦投誠木邦即緬甸之叛逆必至大
起釁端亦有妨於國體吳尚賢初到廠地恃強凌弱今率緬甸

來歸實有邀功之意且外國歸誠亦斷無借一廠民為媒進將來
緬甸設有寇警必另求援兵不應則失統御之體應之則苦師旅
之煩恐鞭長莫及反難善處況前明頻通賦貢受侵擾者數十年
我朝久置包荒獲甯謐者百餘載邊境之教甯原不關乎遠人
之賓服其不可信及不可行者各四而巡撫圖爾炳阿竟據稟詞
並表文入告表文曰緬甸國王莽達拉謹奏 威朝統御中外九
服承流如日月經躔陽春煦物無有遠近羣樂甄陶至我 皇上
德隆三極道總百王洋溢聲名萬邦率服緬甸近在邊徼河清海
晏物阜民和知中國之有 聖人臣等願充外藩備物致貢祈准

起程由滇赴京仰覲 天顏欽聆 諭旨云云十六年六月得
旨准貢凡宴宴賞賚一應接待事宜俱照各國王貢使之例以示
綏懷因遣官伴使赴京入貢至十月貢使回滇尋逮吳尚賢尚賢
本無籍馬脚於茂隆山開廠督臣張允隨遣委充當課長積私財
捐通判職銜於廠地製造鎗刀弓弩張黃蓋以自豪年來侵酋長
賞銀三萬二千餘兩前誣鄒啟周撫掠外域致死後令楊公四等
於廠外地鎗斃客民彭錫爵經屍弟彭錫祿控告是歲充通事隨
緬使人貢於途挾重賁招搖生事總督愛必達奏請革職於十六
年九月拏審擬大辟 旨未下瘐死於獄十七年三月敏家攻阿

瓦破其城上年十一月緬國貢使回抵耿馬即聞滾弄江外有警
十二月耿馬土司罕國楷遣人伴送緬使至木邦先是六月內緬
酋達子糯喇他蟒左同弟色允瑞凍至猛乃城迎貢使未至是年
三月敏家破阿瓦城以率民拖五八喇扎居之緬酋避居約提即
憂撒垵等處居無定所其子糯喇他蟒左亦避居錫箔四月緬使
抵猛乃搭建亭閣貯勅旨御賜欽侯其國平定始旋十八年
九月丙寅木梳頭人甕藉牙與貴家戰勝之乃令貴家及約提即
之兵共五千人圍敏家又景實卡普幹官之子占朵蟒率衆至猛
乃亦欲據緬十九年正月緬使及緬酋子遣人賫蒲葉書至耿馬

未及回國緬酋莽達拉即為得楞錫箔所殺子色亢瑞凍出奔緬
國無主覓藉牙起兵聲言復仇糾合緬屬各土目擊敗得楞諸夷
遂自立於木梳城尋徙阿瓦凡緬國舊屬土司皆遣人降服之有
不服者輒治兵攻擊無虛 貴家據波竜廠採銀向有歲幣至是
不復輸覓藉牙擊潰之追至猛乃獲所貽 勅書 御賜遣人四
出求緬酋子色亢瑞凍避入木邦覓藉牙追之二十年六月朕馬
孟定等土司以木邦警聞十月辛亥色亢瑞凍挈妻喇打那疊玉
及親屬頭目男婦等八十餘人緬僧二人渡江入猛卯總督愛必
達巡撫郭一裕會檄猛卯土司衍珣達之使去越二日始出境覓

藉牙猶遣人在木邦城徵象隻索童女木邦土司罕蟒底乃置色
亢瑞凍於滾弄江內二十一年二月復遣至蠻弄寨建草樓數楹
夷衆挈金飽甕殮馬益逼近內地之耿馬鎮康督撫會檄防禦甚
嚴六月壬辰景貴屬之猛放緬目波顛遣老緬四人來迎色亢瑞
凍遂挈家由白沙水渡滾弄江而南波顛率衆五十餘人迎猛猛
放猛放至木邦計三十餘程此後遂莫知其蹤二十三年二月緬
酋甕藉牙攻陷木邦木邦在耿馬外為耿馬孟定鎮康孟連之藩
籬落卓土司地大而強甕藉牙據有阿瓦落卓首先歸附於是甕
藉牙冠剗波竜厥遂威脇木邦索其賄貴家官裡雁與結些國人

糾約厥衆至木梳鋪劫殺兵始退時緬酋莽達喇之族弟占朵莽
者先分居景邁宮裡雁遙附應之十二月宮裡雁謀攻落卓會占
朵莽及木邦土官之弟罕黑至落卓剗殺落卓大敗復引緬酋甕
藉牙及各土酋之兵謀攻貴家及木邦以泄其忿二十四年三月
落卓先鋒兵六千餘人至腊戍是時占朵莽率猛交兵一千人駐
猛乃乘落卓兵練遠出間道已赴落卓木邦土司罕蝶底聞緬甸
落卓兵至乃屯發練堵禦遂遣其家屬於大橋邦囊翼日與宮裡
雁出田小坡與落卓決戰赴二日木邦城陷罕蝶底奔蝶憂家屬
渡滾江江至邦離又遭於錫我緬兵入踞木邦人民逃竄波竜厥

衆多歸於內地沿邊土司撥練防宮裡雁率兵練男婦二千餘人渡滾江江奔蠻東蠻弄勢甚窮蹙又由白沙水駐南湖欲假道孟艮耿馬往狝猓猓求占朵蝶所在會兵復戰而占朵蝶已襲破落卓率兵練還救木邦木邦復定罕蝶底宜裡雁復渡江回永昌鎮府聞報率兵二百名於四月辛酉出禦行抵姚關旋即撤回二十五年緬酋覺藉牙死其子莽紀覺嗣與各部構兵如故二十七年正月宮裡雁被緬酋追殺甚急由猛榜奔至耿馬又由孟定之邦模南板入莽旦窮蹙無歸五月丁酉至猛戛並至孟連之猛尹散處各村寨初宮裡雁自阿瓦奔出帶練一千三百人至木邦掛給

占朵莽五百人實止帶練八百人又脇從阿瓦緬子木邦擺夷及
擄掠男婦共三千餘人既抵猛尹猛尹頭目率衆驅之宮裡雁乞
內附寄住孟連地方孟連土司刀派春遂赴猛尹收其兵器戶索
銀三兩將其衆安插於猛尹各團寨官裡雁不欲受土司管轄已
相嗟怨總督吳達善知其七寶鞍乃亡明至寶太監王坤由北
京內庫竊去者向其索取宮裡雁以其祖宗所傳重物恡不與吳
達掣其妾婢六人赴石牛廠刀派春率宮裡雁之妻擄占及男婦
一千餘人至孟連城刀派春又向擄占及頭目撒拉朵索牛馬童
女以賄吳達善擄占忿於閏五月丁丑夜糾衆焚殺孟連城刀派

春家屬三十餘人俱被害逃免者僅應襲刀派先及刀派春妻二人戊寅擄占撒拉朵率衆逃散至猛養祚執各處刀派春族兄刀派英聞變率鍊追剿而猛養祚執兩處夷衆亦各要路刦殺擄占大敗逃竄無踪派英寄信石牛厥民龍得位王天和等將宮裡雁好為款留宮裡雁實不知也七月永昌守楊重殺撒耽馬土司罕國楷帶鍊誘擒宮裡雁並其妻妾六人及另行掣獲之餘黨阿占阿九二人因解赴省布政使姚永春日孟連之變雁不與知況其夫妻不睦雁是以避居兩地今若留雁可以為緬首之忌憚不可代敵殘仇也按察使張垣麟審稱宮裡雁雖堅供不知情但勢窮

來歸先令妻屬詭計歸服以致其姦掠罪有攸歸且連年與緬酋
擄殺既經拏獲斷不可仍留夷地之害應正法吳達善以前鞅不
與故切齒於雁遂左袒張議通緬酋至木邦聲言前往整欠景線
相戰因遣頭目蝶散至孟連索宮裡雁所賜從之緬酋刀派永悉
將緬衆遣回益知內地虛實十月丁未殺宮裡雁以其妻婢分給
功臣吳達善既遂其志乃檄緬人諭以宮裡雁業經誅殺宮裡雁
之妻據占及兇目等當即拏送以靖餘孽時據占已嫁莽苗弟情
駭故緬人以為有心羞指其淫行益加忿恨會木邦罕黑勾結遂
滋擾內地之馱馬馱馬雖屬內地於緬亦有歲幣緬目普拉布率

兵來索關入孟定執土司罕大興兵及茂隆廠時永順鎮田允中
調隣近各營官兵親率進剿吳達善恐其連兵致敗露其前事乃
飛檄田鎮責其輕率遂還師駐馬土司罕國楷率兵禦緬於石牛
廠廠委周德會聞田允中進發恃為屏障率其廠練於滾弄江截
緬人歸路擊殺普拉布吳達善以周德會為殺良冒功竟置之於
法而緬人益輕中國二十八年十一月緬人犯猛籠莽紀覺既蒙
并諸土司東之景線整責孟良整火皆以力戰迫脇附從復言普
洱之十三版纳原隸緬甸遣播定昨寄緬文於車里宣慰司索其
貢獻率賊衆至打樂隘口猛追緝練禦之遂犯猛籠剽掠村寨猛

龍不能禦土弁乃占召奔等被害普洱鎮劉德成領兵至恩茅
遣兵前赴九龍江吳達善飭調元江土練未至次年春緬賊始退
時復分兵至我邊於邊外揚言朱索木邦官吳達善畏葸惟戒官
兵不與之戰而已會莽紀覺病死賊乃退三十年莽紀覺死其弟
情駸嗣時賊勢愈肆強橫其西之結些南之白古大姑拉小姑拉
悉為其所據是年賊犯普洱普洱在省城之西南幅遠濶濶與緬
甸之孟艮猛勇整欠接壤南南掌所屬有九龍江卑里宣慰司
及倚邦土守備六因土守備猛遮土千總普藤土千總猛阿猛籠
猛腊猛旺盤董猛烏烏得土把總大小十三土司俗稱十三猛又

稱十三版納其間九龍江猛遮猛阿猛龍猛腊並猛遮所屬之猛
海及九龍江所屬之橄欖壩小猛崙猛奔補爾等處均逼近外域
上年九月匪酋名播率衆一百三十餘人至九龍江要車里宣慰
司前赴阿瓦會盟時吳達善已調陝甘總督為劉藻老儒也不識
事體以王者須正疆里為言命驅逐之明年春賊人飽颺始去五
月賊衆復由整欠渡九龍江至猛腊島得猛烏整董猛旺各土弁
率衆驅逐賊踞猛腊猛奔普洱鎮割得成達土目擒獲賊目叭信
波半阿范等解審正法是時緬酋雖恣肆亦不敢抗官兵實遣人
於十三猛索賊十三猛係雍正年招降而亦輸賦於緬叭信三人

傳為在十三猛之貿易人悉殲之賊因憤而思逞十月緬賊復由
整欠入猛奔頭目頭目名教其子召淵與車里宣慰司為一族車
里所轄之猛奔頭目叭先奔名教惡其不遵遂糾緬賊攻之孟艮
頭目名丙名散以同祖弟兄分掌其地名丙逐名散名散約頭目
名猛照同攻名丙名丙逃入內地之鎮沅府乞降名散遂有孟艮
之地後結緬賊追逐名丙於是緬賊益出入九龍江一帶矣十月
提督達啟由會城巡閱赴普洱十一月抵普城即聞賊耗普洱鎮
劉德成率本鎮兵八百名前往思茅一帶彈壓提督移知總督亦
前往劉藻移兵茨通提督達啟亦進駐思茅劉藻聞緬人入犯

先遣後營遊擊明浩賁銀三千兩備撫復遣標兵八百人以甫抵
任八日之叅將何瓊詔及員弁三十八人率之前往援剿時緬賊
西由孟艮入打樂至猛遮九龍江東由整久至整哈渡至橄欖壩
猛阿之整控渡亦復有賊連啟分兵四出堵禦何瓊詔明浩及守
備楊崐帶兵一百人前赴猛阿何瓊詔等素無備止於江干守備
楊崐率四十人於子刻先濟整控渡何瓊詔等從之至午刻官兵
悉渡甫行數里而楊崐兵已覆瓊詔兵猝遇賊各倉皇避匿劉藻
遂以何瓊詔陣亡入告而何瓊詔及軍衆等後先由威遠所屬
蒙撒江歸劉藻復以聞上察其詐切責督臣命鞠瓊詔等三

十一年總督劉藻自投劄自遣標兵後屢接提鎮啟稟知賊勢已
猖欲躬往按察使良卿復從吏之止掣丞令陳元震唐恩等數員
午夜猝發於除夕抵普洱進駐思茅乃檄調各營兵數千是時瓊
詔等已失事賊勢日熾傳鋒逼近思茅城劉乃退於普洱府治劉
本懦弱既已前奏失旨時分調各路兵之檄時發時止人莫知所
從以致漫無經畫會上以陝甘總督楊應琚調任而降劉為巡
撫劉益懼無措手手足因於三月癸酉中夜挑燈默坐驅侍者出
自剄不殊宛轉於牀榻間七日乃死三月所調兵已集楚姚鎮華
封具報以名丙為嚮導率兵由橄欖壩至民召散逃遁無踪普洱

鎮劉德成具報以叻先奔為嚮導率兵由橄欖壩至猛奔副將孫
簡桂具報由車里至猛籠會攻整欠克之召教降提督達啟由猛
籠攻猛勇召齊降時瘴癘大作賊衆亦退是月丙戌總督楊應琚
至普洱是以以捷 聞請賞給召丙叻先奔三品指揮使職銜管
理土務孟艮整欠各留兵八百名猛散留兵二百名駐守五月提
督達啟卒於軍啟捍禦邊城頗有勞績時在孟艮受瘴癘卒滇人
思之賓從無一存者以李勲代李至數月亦受瘴卒九月猛竜沙
人暨猛勇補哈猛撒等相繼內附而總兵華封復招撫景線整線
孟艮小頭目等詣軍門投誠是年四月楊應琚既終定普洱回省

城以前巡撫常鈞有莽業事畢即辦木匪之秦爰飭詞文武及習
熟外域情形者至省商辦騰越副將趙宏榜首陳本邦蠻慕各土
司願內附緬首勢孤易取狀騰越之西南為南甸干崖蓋達三土
司是即所稱三宣者為騰越之屏翰三宣之外為蠻慕蠻慕之西
為戛鳩猛拱猛養東為猛窰波竜自騰越關外復有止丹弄種各
山寨野人族類甚繁是時聞各土司樂於內附又傳言情駭之毋
勸其子臣服時有機可乘趙宏榜楚人少為波竜厥丁習緬事野
人頭目皆與之善總督楊應琚初弗聽曰吾官至一品年逾七十
復何求而以懼外域邊釁乎趙宏榜復恁忠之楊信其言於是令

道鎮府州官各議迤西道陳作梅永順鎮總兵烏爾登額永昌知府陳大呂皆議以賊勢甚大邊釁不可開騰越知州陳廷獻則銳意進取楊應琚怒阻議者陳大呂懼改初議烏爾登額阻益力書凡七上楊滋不悅而陳大呂陳廷獻革職開化同知陳元震即馳檄緬甸號稱合各國精兵五十萬大礮千尊有大樹將軍統領以震懾之又密布牒分遣通事至各土司說降初楊應琚議檄調官兵八千人至是祇調三千人俟八月到永昌蠻幕木邦降復其附近各土司再相機辦理六月趙宏榜帶兵五百名抵鐵壁關陳元震遣人至蠻幕時土司瑞團赴阿瓦未歸其母妻及弟坤商以所

屬五六十寨三千餘戶請降宏榜遂率二百人襲蠻寨之新街一鼓克之坤商率頭目於七月甲午赴永昌途次為趙宏榜要至軍營宏榜於關外撫止丹弄種六酣喇痛邦領蚌林纂習魯緬喇同草朶習董各山寨野人八月乙卯陳元震以臺鵬先冒投降頭目線茂猛捧覓撒老安等男婦五人解報陳廷獻報猛密土司亦欲乞降遂聞請永順鎮調集兵馬欲領赴猛密未行而趙宏榜先於七月內赴新街瑞圍自緬甸回至連帕請降猛密所屬之猛連壩頭目線官猛赴新街軍營請降趙宏榜又遣人招撫猛拱猛養九月木邦降先是木邦既屢遭兵而屬緬酋立因相為頭目又執

木邦土司罕宋法之弟罕蝶立於阿瓦城以為質復立者皆以監
之者皆者緬官名也既而罕宋法殺因相等三十餘人乞內附會
罕宋法即死時者皆尚在木邦木邦夷衆請立其弟線覺圍緬首
不允又執其土舍法坤象傳聞於內地緬甯通判富森招之然覺
圍亦未敢驟降未幾其侄線五格為質於阿瓦聞木邦變殺守者
黨歸覺圍於是內附富森并招撫緬甯以外非稅帶其長至永昌
俱加褒獎時緬酋已調遣賊衆數萬分道四出一由蠻暮一由猛
密猛育一由木邦一由滾弄江於木邦之猛棒大棍罕錫滿宋寨
等處皆駐有重兵我兵定議以禦之是月總督楊應琚赴永昌受

降時陳大呂等以蠻幕之新街踞緬甸水陸之衝自新街下連帕
水路四五日可到緬甸自猛密波竜陸路七八日可到緬甸計日
可望成功趙宏榜兵前已在新街新街在鐵壁關外江干為互市
之所兵丁受暑者多緬賊於八月中旬遣頭目覘軍營為乞降狀
趙宏榜不察搗而遣之時新街兵少各路警報時至楊應琚乃飭
永順鎮都司劉天佑騰越都司馬拱垣領兵四百餘自翁冷出關
於九月庚午到新街丁亥趙宏榜方祭轟饗士卒緬賊乘船猝至
帆檣啣接倏忽蜂擁蟻屯者數千人登岸攻柵翌日賊勢益張都
司劉天佑死之趙宏榜力戰相持者兩日一夜官兵被困不能禦

趙宏榜收病傷各兵同軍械於草房內焚燒乃與馬拱垣等憤圍
間道由野人寨退駐鐵壁關瑞圖至鐵壁關趙宏榜安置於隴川
其族屬人民遁出關外野人村寨特總督楊應琚方行次永平縣
之太平鋪聞警報即構疾乃加調官兵分剿十一月水北鎮朱崙
進攻楞木不克退守隴川是時東路永順鎮烏爾登額帶兵至宛
頂欲進攻木邦西路永北鎮朱崙帶兵駐鐵壁關欲進攻蠻暮以
復新街雲南提督李時升於十一月甲戌自永昌起程辛巳至鐵
壁關緬賊自新街至林岡固守我兵四千餘人亦於楞木山頭分
佈七營壬午朱崙出鐵壁關癸未至楞木緬賊請以次日會戰甲

申卯刻賊約二萬衆喊叫前進我兵營柵踞山之巔向下施放鎗礮殺賊甚衆賊復緣箐盤繞向上仰攻我兵施放連環鎗礮殺賊數千而不退朱崙見賊勢猖獗至丁亥相持者四日請援甚急提督李時升撥宛頂兵七百名赴援是日我兵出柵下攻賊佯敗山腰礮火起官兵受傷者二百餘人戊子賊張象皮攔牌自辰至午方放連環鎗攔牌忽撤已立營柵一座益逼近大營李時升告急於楊應琚不應己丑官兵堅壁不出庚寅賊詐為乞罷兵楊應琚乃以榜木之捷入告是時賊甚衆又限於林谷阻深朱崙既不能克復新街而緬賊先犯萬仞關竟入盡達矣蔓延遂至戶腊撤賊

氛四熾燒剗村寨李時升又調楞木之兵二千名應援萬仞關在
騰越西與神護巨室二關並列時神護巨石每關僅兵一百餘名
萬仞駐兵二百名都司馬拱垣領之馬拱垣以拏解奸犯回至于
崖十一月己丑竊賊約二千餘衆由戛鳩遂犯萬仞關而入時都
司張世雄領兵四百名駐紮達赴銅壁謀與駐守之遊擊班第會
攻賊衆賊益近至蓋達焚掠土司城及太平街民居壬辰賊抵銅
壁關下班第等於翁冷立柵抵禦賊衆仰攻相持者竟日賊旋縱
火焚燒官兵撤回關上甲午賊衆潛踰關在山嶺架礮於樹下擊
火光四起官兵潰散班第出關外賊兵躡其後死之張世雄聞道

回營賊遂踞銅壁關時李時升駐鐵壁關聞警臨元鎮總兵劉德成領曲尋鎮兵七百尋雷營兵二百游擊清泰鎮撫標兵四百游擊郝壯猷領督標兵八百已於丙戌出曩宗關至南甸李時升遣游擊馬成龍守備馬雲沈洪等帶兵九百名由戶撒前次檄催總兵劉德成等從後夾擊劉德成既擁兵于崖遷延不進馬成龍等復遲回海巴江外不能徑渡李時升差把總田榮督戰戊子馬成龍等始渡江水沒腰火藥皆濕伏賊突起冲殺游擊馬成龍陣亡守備汪紀亦於壩尾陣亡兵丁傷亡者衆僅存未及渡江之七八十人十二月丁酉賊渡江至戶撒李時升遣游擊邵應泌守備劉

世雄等帶官兵一千二百名前赴戶撒救援賊連營扎駐於平原
壬寅李時升遣副將陳廷蛟都司陳斌抽撥樑木官兵六百名甲
辰李時升又遣遊擊劉國良都司張璋周印守備程轍等帶兵一
千名均赴戶撒山頭樹立營柵賊衆來攻我兵隨鎗礮拒敵時劉
德成尚駐干崖飲酒高會擄婦女縱兵淫虐取富戶貨以為纏頭
費李時升連檄七次劉德成擁兵不進作跋扈語總督楊應琚聞
之遣緬甯通判富森持令督戰不從則以軍法從事劉不得已始
於乙巳日領兵抵蓋達賊既見戶撒兵漸加添而又懼劉德成之
擊其後也是夜於營外添設號火散放馬匹仍作疑兵賊已潛退

我兵不知尚鎗礮竟夕至曉踐入其柵皆空壘也始覺其遁總督
楊應琚遂以大捷奏聞是時緬賊方議乞和而兵復至先是李
時升以兵寡故屢檄楞木兵時朱崙遂以欲攻其外先清其內為
辭決意撤兵十二月己亥緬目莽彝渺遮復至叅將哈國興等外
願吃呪水乞罷兵壬寅朱崙放火燒寨撤兵甲辰退回鐵壁關派
兵一千五百名駐鐵壁關外之板橙坡防守癸卯偵報者稱有賊
至酉刻即放火焚燒糧石火藥聲振山谷乘夜倉皇疾走村寨四
處皆大起鎗礮之聲不絕於耳黎明始退抵隴川而楞木之衆又
由南庫弄河板橙坡犯鐵壁關矣於是提督李時升總兵朱崙退

至杉木籠山而由戶撒退回之賊衆尚盤踞銅壁關下十二月壬子劉德成抵翁冷賊設伏誘戰德成扎營堅壁不動癸丑刻賊乘月落霧起統衆來攻官兵放連環鎗賊不能進殺賊者三百餘人賊退至銅壁甲寅出關而遁乙卯劉德成遣守備黃化等領兵進剿聞賊遁乃令黃化領兵六百名駐銅壁關各關俱添兵防守總督楊應琚自途次構疾漸若失心巡撫湯聘以聞上命兩廣總督楊廷璋來滇比廷璋至而楊應琚之疾漸愈時楊應琚方以捷聞且恃前和議謂已受降歲事楊廷璋遂返粵前此上遣侍衛傅靈安來視疾傅靈安大學士忠勇公傅恒子也往還數

四奉 旨即以總兵補用是時賊犯鐵壁關入隴川乞降總督楊
應琚許之復犯猛卯戶撒之東四十餘里為隴川總兵朱崙既退
駐隴川提督李時升恐緬賊之橫截我軍於外也乃退至杉木籠
山緬賊之由庫弄河板橙坡犯鐵壁關入也李時升調游擊邵應
邨戶撒之兵二百名檄催朱崙領兵三千名前赴鐵壁堵剿並令
劉德成飭副將陳廷蛟帶兵一千名赴弄貫要截賊歸路朱崙邵
應邨等既不遵調遣俱回杉木籠山劉德成復執守關之議于翁
冷頓兵不進賊衆四千餘人遂至弄貫連營樹柵分兵四出焚掠
村寨擄掠我弁兵者十餘人旋據隴川創營緬寺隴川河外亦結

營六七座乙卯朱崙領兵至隴川次日午刻賊以馬騎挑戰我兵分翼襲之越二日李時升遣游擊豆福魁領兵七百名來會朱崙派兵設伏定議進攻戊午卯刻前進賊分兵三路迎拒我兵奮勇攻敵伏兵分路拒殺賊敗我兵圍之庚申午刻賊騎自弄貫來援突於叢林冲出官兵驚潰賊營亦乘機鼓噪而出追逐數里時領兵叅將哈國興遊擊毛大經劉國樑豆福魁都司張璋周印守備孫夢貴魏崙程轍等俱不聽總統朱崙之令悉撤回營軍械鎗礮遺失者多總督楊應琚仍以克捷奏聞是時李時升分檄臨元鎮劉德成由戶撒撤出隴川永順鎮烏爾登額由戶思明出隴川

三面會攻不果行總督楊應琚遣副將孫爾桂赴朱崙軍營鎮沅府彝士模革職開化同知陳元震從之傳令勦撫相機速辦蓋陰示以和了局也辛酉至朱崙軍營是日緬目莽聶渺遮在隴川河於都司張璋營外乞和癸亥求見哈國興賊目至隴川河西哈國興出營在隴川河東各遣通事一人於河中土墩傳說遁一二時賊獻哆囉呢四疋醃魚三擔哈國興攜以紬緞銀兩賊定時日撤兵回巢總兵朱崙報之總督楊應琚遂以緬酋孟毒之四胞弟卜坑領兵土目莽聶渺遮詣軍營乞降懇賞給蠻幕新街以為貿易資生之路入告是日賊還我弁兵八人撤至弄貫還延未去提

督李時升檄飭總兵朱崙偵探賊信賊已以其資重運送鐵壁關赴新街下船朱崙不識兵機後遣精騎追之賊以為敗盟也於除夕日由邦中山復犯猛卯三十二年正月丁卯賊既據猛卯城時提督李時升駐杉木籠山總兵朱崙副將孫爾桂移兵弄甯戊辰李時升遣副將哈國興遊擊劉國樑都司田萬鎮周印守備溫廷秀魏嶸程轍等領兵一千二百名副將孫爾桂游擊毛大經等領兵一千名土練三百名俱赴猛卯賊衆已赴底麻沒紮筏城虛無人哈國興孫爾桂遂率兵練二千人入猛卯城居之賊衆將濟聞我兵至決以為敗盟悉反攻城下我兵旋復堵塞施放鎗礮賊攀

城而上者用沸湯注之雜擊以石塊哈國興登城督戰鎗傷左腮
穿落牙齒者十一把總朱才進受鎗破腦而死賊遂連營城下圍
因我官兵者七日哈國興遣兵丁覓間道至李時升隴川軍營請
援李時升先已調劉德成領兵一千四百名將至隴川令烏爾登
額領兵二千名由宛頂渡速養江以擊賊後時賊兵盤踞分佈要
隘乃遣素克全泰領兵八百名由虎踞一帶小路前進陳廷蛟領
兵二千餘名由邦中山前進烏爾登額先已至速養渡沿江邀截
賊往禦之戰於對岸聞我援兵既至復回迎敵丙子巳刻我兵至
猛卯山脚遇賊戰勝之至城下土練三百名先縋城出乘勢掩襲

賊兵潰散是夜官兵宿城外遣人援梯通信丁丑城始開官兵會
合追勦賊兵迎敵次日追至底麻江邊悉力拒敵游擊毛大經都
司徐斌守備高乾陷於泥濘被賊鏢鎗陣亡賊遂浮江而遁入木
邦總督楊應琚提督李時升以猛卯邊外匪衆七八千人欲至木
邦滋擾官兵攻殺賊已敗遁現在追剿以聞是月辛卯總督楊應
琚以猛卯賊退境內已甯將議止而前所奏將蠻募新街賞給貿
易經 上察其偽屢奉 嚴旨責其粉飾欺罔乃遣總兵朱崙烏
爾登額楚雄游擊莫淳邵應邨等領兵八千人沙練波竜厥練一
千人前進木邦朱崙二月丁酉自弄貫起營途次遭延越二十四

日辛酉始至木邦時有據木邦賊萬餘是日午刻即與我兵迎敵
孫爾桂特令督戰殺賊甚衆賊退保江留營九坐是日木邦所轄
村寨俱被賊焚擄夷民逃竄軍糧均藉內地輓輸委游擊袁夢麟
李文廣領兵八百名分佈各台護送糧運袁夢麟等均於內地之
分星塔三台山弄伍分駐外域只景陽兵一百名募董底脉兵各
五十名其孟撒蠻黑南庫弄三處並無兵練運糧撥催牛馬四
千餘匹委糧員威遠同知張遐齡効力知州徐名道隨營供支賊
衆截阻糧道三月丁卯至南庫弄辛未日至蠻黑剽掠牛馬糧石
殺死馬夫壬申總兵朱崙奉 旨遠問官兵以孫爾桂烏爾登額

統領之三月哈國興退之新街先是新街賊衆已退李時升抵銅壁關進抵野牛壩李時升奉旨提問哈國興率趙宏榜衆將四十一游擊郝壯猷雅爾姜阿吳大士等領兵三千餘名前進庚午抵蠻寨賊衆百餘人遁去甲戌抵新街並無一賊總督楊應琚復據哈國興稟報以克復新街奏聞是時炎瘴已熾官兵染病者相繼哈國興稟請撤兵總督楊應琚遣迤西道陳作梅永順府陳大呂赴新街會勘確情哈國興遂自新街撤兵駐杉木籠山是月癸巳雲南提督楊甯至木邦軍營楊甯素以勇著任廣東將軍時奉命速赴任至是抵營攻賊奪獲舊寨嗣相持者久而孟艮

之賊已犯孟連矣賊知我師糧絕於四月戊戌數接戰賊情狡詐
出沒無定壬寅至篆金塔刦運糧牛馬殺傷官兵沿途阻隔糧運
不繼己酉又至蠻暮賊擁衆攻擊甚急我兵已七日無糧不能支
提督楊甯下令撤兵兵即潰游擊莫 溜俊德死之楊甯遂於是
日至蠻暮壬戌入黑山門時烏爾登額已被劾即達入都入孟連
之賊於三月癸酉自木邦入境孟連土練及非狃之練不能抵
禦賊據孟連燒刦暮迺應襲土司避居景杏乙酉賊破孟連之
黑龍丙戌至上猛尹猛猛撥練於辣赫江禦之不克賊至猛猛入
耿馬孟定四出焚劫夷民倉猝不知賊至尚貿易於街場力作於

田畝均被擄掠是時順甯府城兵甚軍木邦之賊未退總督楊應
琚調發木邦官兵由滾弄江前赴攻剿不能即至順雲營參將蘇
國富領兵亦在滾弄江游緬甯居民震恐撥練於那椒河大蚌江
打雀山各安隘防守凡盤踞二十餘日賊始由滾弄江兩路而去
是月緬賊復據整賣景線孟艮先是三十一年七月總督楊奏請
將整欠兵六百名猛撒江兵二百名撤回九月又請將孟艮整欠
兵全撤留楚姚鎮華封協同普珥鎮甯珠駐守緬賊忽整賣六本
景線孟艮整欠之背已也謀以報之遂據整賣六本蔓延至景線
逼孟艮又由老本趨整欠十二月六本土司召猛應聞緬賊欲至

六本徵調景線景海土海練景線集練九百景海集練四百從之而緬賊先以破六本景海土守備召罕彪同回景線防守三十二年正月緬賊至景海召罕彪等領練迎戰不克退回景線甲午緬賊至景線景線宣撫司叻賽同召罕彪等合力攻戰四日不克叻賽召罕彪等奔孟艮孟艮指揮使召丙亦挈族遠徙是時楚姚鎮華封駐劄普洱乃與普洱鎮甯珠同遣駐防打樂猛混之游擊司邦直守備潘鴻臣帶兵九百名進守孟艮游擊權恕帶兵二百名赴打樂策應時止把總韓榮外委趙喜馬伯貴三員帶兵二百名駐打樂司邦直等均在猛混觀望未達而緬賊已據孟艮前趨

打樂老本一路之賊衆亦至猛勇猛曩升冶進前往迎之被賊困
困受害賊遂犯猛曩欲入猛龍整欠頭目召教之子召淵欽銀賄
賊謀害結內犯諸猛震恐二月辛酉緬賊至打樂恃把總韓榮及
委卜發等及兵二百餘名往打樂聞警韓榮即派卜發領兵三十
名往三島坐路堵禦賊猝至韓榮及兵衆皆戰死生還者三四人
游擊司邦直遣潘鴻臣領兵二百往援途遇受傷兵知打樂已陷
引軍回邦直鴻臣及游擊權恕俱遁回九龍江駐劄緬賊遂入猛
混猛龍時華封已出九龍江遣都司甘其卓赴整控堵禦猛龍之
賊欲赴整欠必先捧乞救甚急賊遂渡整欠江逼近猛奔華封自

九龍江前往補甯遣司邦直駐小渡口權恕至橄欖壩以禦之緬
賊至由孟艮竄入打樂也司邦直等據行退避轉以接陣殺賊捏
報時總督楊應琚之次子重英以江蘇按察司來滇有仿古監軍
之名乃會同雲南巡撫楊聘勅奏守備潘鴻臣先瘴故總兵華封
甯珠游擊司邦直權恕都司甘其卓俱拏問邦直恕其卓俱正法
是月華大學士總督楊應琚職逮入都以承恩公明瑞伐四月巡
撫撫鄂甯至普洱湯聘赴貴州鄂甯即劾楊重英驕從去監軍號
以道府銜從徵巡撫鄂甯旋以瘴氣大作普洱無可辦事應回省
具奏得 旨嘉獎令赴永昌會辦進勦五月總督明瑞至省即赴

永昌巡撫郭甯亦偕往明瑞以將軍兼制府給滿洲兵三千調川
貴及滇省兵二萬餘以副都統額爾景額為贊贊給關防調河南
開歸道諾穆親 滇鹽道陝西漢中道錢受穀為滇迤東道及軍
機司官傅巽馮光熊襄軍事議大舉剿賊明瑞至則首發楊應琚
欺罔之罪疏畧言緬土司人呼為老緬或呼為莽子蓋指前首之
姓本匪 今首原為木梳 是一非二至木邦等土司種類繁多
楊應琚以莽已絕滅引為已功誤本緬另為一事新街亦民夷交
易之所原無廬舍其荒唐妄誕之處不可勝數以致調撥毫無意
見一聞議降旋即撤兵動失機宜滇兵積欠廢弛無關志將領亦

未暗陣戰遺失礮位軍械無算復奏勅李時升朱崙劉德成及烏爾登額趙宏榜罪皆報可李時升朱崙劉德成皆伏法烏爾登額趙宏榜下獄六月解前總楊應琚至 避暑山莊 命廷臣鞠得實 上大怒暴其罪於天下令自裁是時楊應琚 子前永昌應應知府董穀解湖北任奉 旨省親至滇因索玩器於瘴故前騰越州知州陳廷獻之家人杖殺之論抵是月逮貴州湯聘湯聘是月總督明瑞條上大舉機宜略曰前次辦理種種草率動失機宜如永昌騰越順甯威遠普洱沿邊土境二千餘里迤西七關八隘旁通側出絕少險要可守之區若處處駐兵二三萬衆亦不敷分

派今臣親督勁兵鼓勇進剿賊必救護巢穴其各土境阨要總區如九龍江隴川黑山門等處自應留營派委要員慎選兵練偵探賊警隨時剿逐知會就近土司應援其餘崎嶇小路祇令各總兵驅將弁使人長川游巡備禦如此則防守之兵大減於前而聲勢不分較為得力先於新街水路上游量為伐木造船使船料木片沿江流下先聲牽綴彼知將長驅水道必於此設備以分其勢力兵自永昌騰越兩處出口由宛頂木邦一路作為正兵其餘或分兩路三路由猛密等處並進俾得聯絡聲援出奇設疑使賊疲於奔救前所需兵糧像僱覓夫馬設站滾運撥兵護送此次進剿不

若裏帶為便細核購辦牛隻馱載到所費且有節省官兵出口後
自黑山門遞放以內仍照例安設台站備遞文報至軍前遇有奏
報即於進剿官兵內擇妥幹馬壯者數十員名長川送至黑山門
交遞如經過外夷部落有誠心歸化者酌留官兵數十或二三百
名作一大台站以資遞送僅得依此相機酌辦更屬周妥遞事亦
較便易並條列軍械糧運馱載各款俱報報可是月又查辦遞放
運糧官員奏逮同知胡邦佑守備陳謨下獄尋釋令隨營贖罪考
訂輿圖中地名七月劾曲尋鎮總兵索柱以其稱疾偷安也得
旨落職効力自時是月以提督楊甯辦軍務多舛奏請以貴州提

督譚五格調補楊甯尋亦革職是月復劾永昌府知府陳大呂以
其勒買軍糧縱衙役短價也是月補罕朝璣為把總罕朝璣者耿
馬土司罕國楷之從子也先是二十八年土司罕國楷稟其子不
孝及通謀周國裏審訊無實留會城以隨征功授土把總茲復以
去歲有功並通夷漢語授把總是月復查糧員吳等紛散去語也
革典史夏之璜職其吳楷張志元胡紹周陳正楷等皆以原無派
撥護糧官兵得宥福靈安卒於永昌七月整欠召教率緬賊陷猛
奔追以先據遂犯猛腊至九龍江先是緬賊由打樂入者據猛遮
之猛混未散由猛勇入者據猛籠創營盤踞德保已授普洱鎮同

開化鎮書敏於四月丙午先至九龍江軍營調到官兵四千二百
名正值煙瘴熾發欽奉 諭旨軫念士卒乃令停兵蓄精養銳將
領分遣弁兵於補角小猛崙橄欖壩茨道駐劄防守猛勇之召工
既附緬賊整欠之召教召淵惡叭先捧之授指揮使而並得管轄
其整欠也務謀執叭先捧以洩其忿六月癸巳召工召教召淵率
賊衆二三千人至猛彝叭先捧與之力戰經旬景練叻賽景海召
罕彪集練助之柰軍糧匱竭火藥鉛彈俱無夷民困餓難支丙午
猛彝遂陷叭先捧遁入茶山之漫了寨保駐九龍江之大渡口名
工等追攝叭先捧遂入猛騰七月辛卯緬賊三百餘人及附從之

猛勇整欠孟艮獮夷約千人貴家餘黨二百餘人至小猛崙書敏
隔江施放鎗礮日既午書敏病篤遂回緬寺留官兵堵禦至晚緬
賊從上游而渡官兵冲散書敏奔茨通之小寨令都司那蘇泰帶
兵二百名堵禦變賴閏七月乙未賊由茨通至寶賴那蘇泰死書
敏由倚邦過舊埕病故德保在九龍江聞風逃遁率四達色等結
跣歷九晝夜回至思茅住二日率將官等復赴九龍江緬賊三百
餘人至橄欖壩小猛養焚燒擄掠由整哈渡而退至孟艮盤踞普
洱知府及叅將報知總督明瑞即奏德保解京、法書敏戮屍
梟示乃飭署普洱鎮七十一昭通鎮修國英率兵分駐小猛養補

角凡外域投誠之難民寄居各猛者俱行賑卹九月將軍兼總督
明瑞議進剿時領隊大臣 內廷侍衛率滿洲官兵川貴鎮協率
川貴將領弁兵及本省派出之官兵俱抵永昌四川廣東廣西解
運之牛馬滇省各府州縣所辦之糧馬亦陸續到齊乃議定分為
兩路將軍明瑞率大兵由木邦進取錫箔叅贊額爾景額由老官
屯進取猛密時從征者員外郎富顯馮光熊道員諾穆親錢受毅
道府楊重英郭鵬冲蕭日章革職知府陳元震胡邦佑同知圖敷
提督譚五格鎮將得寶李全國柱達興阿王玉廷哈國興本進忠
長清及文武員弁以李經朝翁得勝等為通事光籌導線繞團線

官猛錄五格等俱在軍二路約相會於阿瓦乙巳出師會天大雨
三晝夜不絕人馬俱立泥濘中餓且冷多疾病糗糧又盡濕累糧
以牛行不能速至潞江人衆船少不能畢濟十月壬戌始渡船至
營分兵將軍明瑞以庚午師次宛頂越八日整隊入木邦軍容甚
盛時叅贊珠魯訥以十月至騰越進木邦即留守給以兵五千俾
為聲援以楊重英郭鵬沖及陳元震胡邦佑司印糧餉十二月叅
贊額爾景額卒於老官屯軍中時景額亦於十月癸卯抵騰越與
提督譚五格率官兵於十一月壬辰出虎踞關趨猛密越六日至
老官屯賊已立木柵進攻不能克日與接戰亦不能勝我兵久屯

於豎柵之下人亦多疾病額爾景額幽恚以死 上優敘之以其
弟額爾登額代是月將軍明瑞率萬二千人抵鎮箔江結浮橋以
渡至蒲卡始遇賊之前哨擒數人詢知賊聚於蠻結遂進攻蠻結
賊果立十二柵以待領隊大臣觀音保魔象先據山之左臂賊來
爭不得翌日兩持未決而顧賊柵甚堅其法立木為柵聚兵於其
柵之外又開深濠植竹木於旁皆銳其末而外面賊有柵自護我
鎗礮不能傷而賊從柵隙處發鳥鎗擊我輒中此賊之長技也
哈國興請分三路登山俯趨而薄之軍士皆奮時出邊已逾月未
見賊至是始與賊遇無人不欲殺賊也一呼而直逼其柵有黔兵

王連者先躍入十餘人繼之賊恒亂不知所為多被遂破一柵乘勢復攻得其三而十二柵之賊乘夜盡遁蓋賊自新街交兵以來從未經此大創也首竄後不敢復抗矣明將軍亦一目中傷幾殞越數日始稍愈領隊大臣觀音保扎爾豐阿等盛勸乘勝退兵至木邦整旅復進明將軍吳銳氣欲直抵阿瓦觀音保曰我兵出師時已失軍裝今軍器日見其少糧餉不足恐難深入以受其紿明忿然曰汝氣餒否非夫也觀音保傲然曰若非滿洲丈夫吾儕其將軍死可也因進軍象孔去阿瓦祇七十里失道而軍中糧已匱明將軍集諸將議諸將懲前言

莫敢有言退者明瑞念糧既斷勢不能復進而又慮猛密路之師或已先入而將軍轉退兵則法當死聞猛龍有糧且地近猛密翼可得猛密路消息於是定計就糧猛龍賊探知我兵不復向阿瓦又我病兵為賊所掠者詢知軍中糧盡糾眾來追及我於章子壩至是無日不戰明瑞與哈國興觀音保等更番殿後至猛龍果多糧軍士賴以濟食歲暮即其地度歲共駐兵七百以行而猛密之信杳如也是月泰贊額爾登額以九千眾攻老官屯木柵不克師久頓賊眾日增王玉廷陣亡時錫箔路音信已斷得

旨令前赴應援乃與提督譚五格撤兵回時倉卒撤兵又不設殿
賊得以襲我之後軍器亦失乃入關賊即尾隨入戶撒拉撒二處
恣搶掠時副將孫爾桂王振元俱由關退回駐劄賊聞有備乃退
額爾登額偵猛卯及邦中山梁有賊不敢進乃旋師至隴川所屬
之猛籠迂途月餘由龍陵出宛頂三十三年春明瑞自猛籠取道
大山土司以歸猛籠糧尚多而牛馬俱盡無可賦運人各攜數升
餘皆火之將至大山又有蠻化之捷先是賊之綴我也每夕駐營
猶相距十餘里不敢近至是我兵營於蠻化山巔賊即營於山半
明瑞浩然曰賊輕我甚矣若不決一死戰益將肆毒於我噍類矣

賊久識我軍號令每晨興我三吹螺而啟行賊亦起而追我明日
仍吹螺者三而我兵盡伏於箐中以待毋得有一人留營者今既
下翌日三螺畢賊果謂我兵已行也爭蟻附而上我兵萬衆突出
鎗礮聲如雷賊惶遽不及戰輒反走趾及頂背自相蹴踏死者無
慮二十餘人我兵乘勢擊殺又一二千人坡澗皆滿是役我兵傷
者數人總兵李全受傷死自是賊不敢進數日每夜在數十里外
轟大礮數聲而賊之先一日過者已柵於要路明瑞留五日以所
得牛馬分犒軍士畢行至其處則已攻不能拔有波竜人引以間
道始得出過波竜老廠是貴家所採銀處居民遺址盡數十里計

當日厥丁不下數萬已皆為賊衝散盡愀然者久之而賊復增兵追至是月木邦兵潰上年十二月珠魯訥駐師木邦分撥叅將王棟赴錫箔擺台站索柱赴宋賽擺台站守備郭景霄於天生橋擺台站丁丑皆起程甲申索柱偵得有賊兵至語即前進遇賊戰路阻丙戌退守錫箔橋正月辛卯賊數百來攻次日賊數千至以大礮攻守備郭景霄方渡河接索柱營見賊四面來攻即潰叅將王棟營兵亦潰索柱等衝出次日總兵胡大猷之師復潰於葫蘆口索柱陣亡辛丑賊鋒及木邦叅贊珠魯訥誓死率文武七十人出禦乃付印及御賜將軍之寶匣于陳元霄言我死汝以是歸元

霄懼即偕郭鵬冲逃入內地珠魯訥出師隔河遇賊歸而欲以印
徵兵而元霄已薨即遁因移知巡撫鄂甯鄂甯即奏參將 旨以
叛論置極典明日壬寅賊大至珠魯訥自剄執楊重英我兵大潰
總兵胡大猷與胡邦佑咸陣歿廣南府經歷許景淹亦自剄死木
邦一路台站俱斷其賊首來勝率猛密木邦二路之衆畢集於明
將軍壘明瑞行抵小猛育賊已蝟集不下四五萬人我兵當分七
營而環視四圍皆賊也而額爾登額尚駐兵宛頂去小猛育僅一
舍竟擁兵不救明瑞遣賊探路曰路旁已有賊柵矣乃命諸將達
興阿本進忠等率軍士乘夜出而自自拒賊從者領隊大臣觀音

保札拉豐阿總兵哈國興常青德福及巴圖魯侍衛數十人親兵數百人及晨血戰於萬賊中無不一當百已而札爾登阿中鎗死巴圖魯侍衛皆散副都統德森保竟降賊觀音保發數矢連殲數賊尚餘一矢欲復射忽收而策馬向草深處以其鏃刺喉死恐矢盡無以自戕而被執也明瑞身負數傷亦慮落賊手力疾行拒戰處已二十里氣僅屬乃從容下馬手自割髮授家人使歸報而自縊於樹下家人以木葉掩其軀而去二月三十日也計自章子壩與賊接戰賊日增我兵日少孤軍無援轉戰五六十日未嘗一敗明瑞晨起即躬自督戰且戰且撤及歸營率以昏時勺水猶未入

口糧久絕僅啖牛犬一嚙猶與親隨之戰士共之所將皆飢疲創
殘之餘明瑞體恤備至有傷病者令士練昇以行不忍棄故雖
困憊無一人有怨志及其死也非不能自拔出蓋以阿瓦未平懼
無以返命 上亦有金師速出之旨而路阻不得達遙望 闕庭
進退維谷故傍皇輟轉決計以身殉又不忍將士之相隨死也結
隊徐行持重自固使賊不能覆我直至小猛育去宛頂不遇二百
里計將士皆可到然後遣之出而自以身死賊中嗚呼此意良可
悲矣方軍勢日蹙時門愈力嘗謂諸將曰賊已知我力竭然必決
死戰者正欲賊知我國家威令嚴明將士用命雖窮蹙至此無一

人不盡力則賊知所畏而後來者易於接辦此其謀國之深猷尤非徒慷慨赴死者所可同日語矣癸酉兵將至宛頂已多時巡撫鄂尚未知將軍陣亡的耗即將額爾登額譚五格逗遛不進失誤軍機及得將軍聲息並不通知內地實屬有心貽誤具劾奉旨俱逮問越數日得將軍凶問上聞上震悼賜卹立祠後於四月中命侍衛兵弁及將軍明瑞之家人數人赴猛育尋收將軍遺骸歸葬京師額爾登額解赴京上親訊額尚以無糧對上愈怒廷訊時譚五格自稱老臣上命侍衛捷至數百額爾登額論磔刑明瑞喪到日上親奠於郊即用額爾登額以享之譚五

格亦正法是月命協辦大學士阿里袞來滇協辦軍務即授為叅贊以鄂寧為總兵調江蘇巡撫明德為雲南巡撫三十三年二月丁亥授大學士忠勇公傅恒為經略阿里袞阿桂為副將軍舒赫德為叅贊傅恒俟將次進兵再行前往阿里袞已赴滇舒赫德即馳驛遙行是月派荊州滿洲兵一千五百名成都滿洲兵一千五百名赴雲南以荊州將軍永瑞統之是月派京兵來滇時以進剿於去歲三千兵之外復派健銳營兵一千火器營兵二千前鋒護軍二千令將校率領陸續來滇其前鋒護軍二千旋停止是月以五福為雲南提督是月副將軍阿里袞抵雲南時幕府為郎中明

善員外郎薩靈阿三月奏贊刑部尚書舒赫德抵永昌會同總督鄂爾琿奏籌辦情形略以每兵千名應需馬三千九百非馬千萬不足濟用又稱現已設法招致緬匪投誠疏上得 旨發原摺

命廷臣遍閱飭其乖謬可鄙可笑之處下部議革尚書職得旨給副都統銜前赴烏什令總督鄂爾琿復奏是月戊戌猛勇呂功率其弟台繻脂及緬賊月布尼捷喇帶緬子三百人猛勇整欠擺夷三百人由猛勇猛籠遂至九龍江外越二日昭通鎮佟國英獲普洱鎮七十一率兵於蠻紅接戰礮擊佟國英手掌官兵奮勇陣亡者數十人賊衆退至猛混乙巳緬賊節蓋率緬子一百餘人孟

良呂散率獍夷四百餘人由大猛養進猛遮土升刀召鈴伏弩截殺次日亦退至猛混與呂坎等會合已酉出打樂隘退歸孟良尋奉 旨荊州成都兵俱赴普洱是月副將軍阿里袞等請調隣近各省道府來滇辦理軍務派出道三員知府六員其丞倅州縣佐雜每省各派四五員晦日都司哈廷標於宛頂遇大山土司之從阿籠云二月間隨伊季父於猛烈地方謁見將軍明俊於猛育街殺相失副將軍阿里袞總督鄂爾泰准暫為養贍俟進兵時往勘情形酌辦四月撤隨將軍明瑞進剿之兵回京其老官屯一路之兵仍留滇是月緬酋差我兵之被俘者許爾功等八人具蒲葉緬

文求和并賚楊重英粟一封緡緬王不殺屢有投誠之意且緬國
各頭目俱愿投誠是以苟延至今同客長李萬全尹士珍等宣諭
我國德威極力招撫仍照舊例解理與守備程徹盧懷亮馬子健
王承瑞等同具副將軍阿里袞以聞不許五月總督鄂爾琿奏云
舒赫德稱 廷諭復剿緬匪一事急切不能前驅埽穴賊匪投誠
即遣人探去亦未為不可寔因冒昧誤稱設法招致得 旨二人
所見乖謬彼此原屬相等下部議革總督鄂爾琿職奉 旨鄂爾琿降
補福建巡撫以阿桂代時阿桂在伊犁總督印務以阿里袞署行
宥烏爾登額甯珠華封趙宏榜罷令在軍營効力趙宏榜行次河

南襄城縣中疾至七月卒是月巡撫明德赴永昌是月以滇兵懼怯積懦撥貴州兵五十名來滇撥補是月木邦酋苗溫差人至猛古地方之蠻遮奉頭人金猛處令送字與遮放土司懇內地八土司代乞求和并偵探從前八人具書求和之信其緬文內有 天朝四位大臣來滇可否准和之語副將軍阿里衮據奏七月奉 旨普洱今歲不必進兵駐紮普洱將軍永瑞等加意防守是月嚴奸民販貨出緬之禁汰滇冗兵議改曲潯楚姚永北三鎮為副將改定營制於大兵事竣後行總督阿里衮巡撫明德修省賦至永昌一路傾頽道路八月調四川馬五千八百駝載馬騾二千九月

總督副將軍阿桂抵滇時幕府為革職郎中王昶中書趙文
哲十月副將軍阿里袞駐兵於騰越遣侍衛達里善至南坎
殺二百餘人海蘭察至頓拐亦殺二百餘人襲憂鳩前鋒抵
江邊焚其寨柵入殺賊六七百名以馬力不足未渡江而還具
奏巡撫明德以經理馬匹不善得 嚴旨十二月廣東廣西營馬
及購買馬共一萬於下旬陸續起程期於明歲春間抵滇奉 旨
查訊本年二月烏拉撒地方被兵一事前巡撫鄂爾琿何以奏報並
無一賊副將軍阿里袞等奏稱房屋未經焚毀搶去四百餘人
及牛馬尋落巡撫鄂爾琿職給侍衛銜軍營効力是月派索倫兵二

千名來滇明年春復派一千吉林兵一千 盛京新滿洲西楚兵
一千三十四年正月奉 旨令臺灣總兵葉相德選福建水師兵
二千赴滇戊申阿里衮阿桂俱授為副將軍其總督以明德補授
巡撫以喀爾阿補授二月庚午大學士忠勇公經畧傅恒自京起
程是月復派厄魯特兵一千餘名三月命伊聶將軍伊勒圖來滇
提督五福將軍永瑞率兵巡邊行次打樂遇賊剿殺出境是月經
畧抵滇即馳赴永昌先是滇省頒布揭見經畧儀注自平夷至永
昌修館舍戒僕夫以待時從引之幕府為侍讀學士毓奇侍讀孫
士毅給事中劉秉恬郎中博卿額主事惠齡是役也前後征調本

省兵一萬六千名四川兵七千名有奇貴州兵四千三百名滿漢兵共三萬有奇議以九月二十日以前抵永昌以待進取是月降雲南總督明德為江蘇巡撫以彰寶為總督經畧奏留暫辦總督事尋以阿思哈為總督復奉 旨令阿思哈於新街扼要之地駐守守以彰寶為雲南巡撫調喀賓阿為河南巡撫俟彰寶到任再赴新任是月令護軍統領伍三泰副都御史富顯等赴野牛壩時船料釘鐵已備至秋初船造成而富伍俱以瘴卒五月續派京兵一千名即先泝前鋒護軍之半也六月奉 旨阿思哈到滇後其巡撫印務原著明德署理阿思哈帶兵前進後總督印務亦著明德

署理七月降荊州將軍永瑞雲南提督五福為三等侍衛尋革職以開化鎮調駐思茅之兵丁張國甯因姦被殺來不嚴也以本進忠為提督旋卒以長清代經畧既至永昌越八日兩阿將軍及伊犁將軍伊勒圖偕至南徼地多瘴羣議宜俟霜降後出師經畧遲之謂若是須坐守四五月既糜餉且軍初至尚及鋒而用久則先懈非計也其進兵之路以阿瓦城在大金江之西若從錫箔則阿瓦仍隔外惟騰越外西戛鳩江即大金江之上流過江則為猛拱猛養兩土司前明王驥征麓川返思機發到此刻石江邊所謂石爛江枯爾乃得渡者也由猛拱猛養可搃其木梳之老巢由

木梳至阿瓦又皆陸行步騎可直抵城下乃定議大兵渡戛鳩而西其偏師先議在普洱為聲勢後改議從猛塞夾江而下造舟於蠻暮以通往來部署既定七月二十日經畧大兵起行阿里哀時病瘍不能行經畧請留養疾阿里哀誓從征乃留阿桂於蠻暮督造戰船經畧至戛鳩集舟結筏凡十日乃畢師次猛拱土司官洋覺先遁挾其小妻招之乃來降獻馴象四欠葉書一牛百頭糧數百石至猛養亦有牛米之獻於是所厯二千餘里皆不血刃而下惟途間忽雨忽晴山高泥滑一馬倒則所負糧帳盡失軍士或腸腹露宿於上淋下濕之中以致多疾病猛拱猛養雖緬屬非緬腹

地故緬酋不遣兵來而緬僞以八月前刈禾至中秋則集兵出九月下旬阿桂遣百船來所調閩粵習流之士亦至將由蠻幕江出大金江賊已列船扼江口阿桂擊敗之賊目賓雅得諾被創死由是江路無阻伊勒圖往迎經畧過於哈坎經畧以十月朔渡江回蠻幕是役也奔走數十里疲乏軍力而初無遇一賊經畧之聲名遂損因羞恚得病賊輕我兵遂以大衆水陸來犯阿桂將步兵哈國興將水兵陸路之賊先沸脣至桂旗蔽野勢張甚阿桂麾兵以鳥鎗連環進弓矢繼之騎兵又從旁蹂之賊不支遂大潰我兵追殺無算哈國興率舟師順流下賊猶列艦以拒有閩兵躍入賊船

一賊汨水遁聞兵而入水斬之賊奪氣我兵驥而奮因風水之勢
蹴之賊舟自相撞擊多覆凡殺溺死者數千江水為之赤江之西
亦有賊結柵自固阿里衮提兵往攻之連破二柵餘賊皆逃是時
諸路軍皆大捷會經畧病重請將遂欲以是歲功阿里衮曰老官
屯有賊柵前歲額爾登額進攻處也距此僅一舍不往破之何以
報命策馬先行經畧以下皆隨之賊柵據大坡週二里許自坡迤
邐下埤於江柵木皆徑尺埋土甚深遇樹則橫貫之以為柱柵之
外掘深濠三層濠外又卧橫木之多枝者銳其末於外名曰木筴
守禦甚備我兵阻旬餘不得進先用大礮擊之柵木甚堅不折有

折者賊輒補之哈國興斫菁中老藤長數百丈者繫鐵鉤於端募
敢死士夜往鉤其柵三千人曳藤以裂之為賊覺斫藤斷而罷經
畧又命火攻先製檣牌禦鎗礮一牌可護數十人以兩人舁而前
十數人各挾薪一束隨之百餘牌同時並舉如牆而進拔荅越濠
至寨下方燃火忽西北風起火反燒衆軍遂却回最後遣兵毀地
至其柵底實火藥轟之柵果突然起高丈餘賊驚統喊聲震天我
軍挺鎗抽刀以待柵破而掩殺無何柵忽落而平又起又落如是
者三不復動柵如故蓋立柵之皮斜而下而地道乃本進故坡土
厚不能逆裂也然賊自是懼其柵之插入江者開水門以通舟運

糧械不絕阿桂謂如是則賊終無坐困之日也撥戰船五十越過其柵截之時阿里衮已病甚猶力疾攻柵視鎗礮最多處凱當之經畧慮其令統舟師以息勞戰艦並列賊糧械不得入由是益懼其首師日眇枉模親來面受要約經畧不許諸將以兵多染瘴日有死亡爭勸受降撤兵乃遣哈國興往責眇枉模以進表納貢返土司地諸事議未決眇枉模左傾而去哈國興單騎入其柵責之眇枉模不敢見別遣人出請如約經畧遂凱旋三十五年春謁上於津門自請罷劾上憐其疾優容之傳文忠因之憂恚而率總督彰寶遣守備蘇爾相往責前之約乃被拘留上大怒復

議興師以前副將軍阿桂首倡罷兵議因褫其職以白衣從軍會
金川蠢動遂罷南征議逾四年金川平上復命阿桂往雲南會
總督李侍堯相機進兵會緬酋縱蘇爾相還其事乃已至五十四
年緬酋憤馭被弑其弟孟隕初為僧國人立之因遣使輸誠納貢
遂縱楊重英還重英自陷緬獨居蕭寺幾二十年未改本朝冠
服上大喜受降召緬使朝見於避暑山莊優賚之許其十年
一次入貢復重英道銜比蘇武之節御製蘇楊論以旌之重英
尋率緬酋從此感化臣服如他屬國焉